

Хаксевар, она юрт, мангу бйл обод!



ТОШКЕНТ ХАКИКАТИ

Вилоят ижтимоий-сиёсий газетаси

TOSHKENT HAQIQATI

1928 йил 11 декабрда асос солинган • 2004 йил 24 январь, шанба • №7 (11.602) • Эркин нархда сотилади

Ўзбекистон Республикаси Вазирлар Маҳкамасининг **ҚАРОРИ**

Кимё саноати корхоналарини бошқариш тузилмасини такомиллаштириш ва қишлоқ хўжалигига агрокимё хизмати кўрсатишни яхшилаш чора-тадбирлари тўғрисида

Вазирлар Маҳкамаси қайд этадики, қишлоқ хўжалигини минерал ўғитлар ва ўсимликларни кимёвий ҳимоя қилиш воситалари билан таъминлаш соҳасида интизомни мустаҳкамлаш юзасидан кўрилган чора-тадбирларга қарамасдан аҳвол қониқарсизлигича қолмоқда. Ўтказилган текширишлар вақтида "Ўзкимёсаноат" давлат акциядорлик компанияси ҳамда "Ўзқишлоқхўжаликкимё" давлат акциядорлик компанияси ва унинг ҳудудий корхоналари томонидан шартнома ва молия интизомининг жиддий бузилиши, минерал ўғитлар ва ўсимликларни ҳимоя қилиш кимёвий воситалари ишлаб чиқарувчи корхоналар билан ҳисоб-китобларнинг ўз вақтида амалга оширилмаслиги ҳоллари аниқланди.

Минерал ўғитлар ва ўсимликларни ҳимоя қилиш кимёвий воситаларини ишлаб чиқариш ва сотишнинг яхлит тузилмасини яратиш, уларнинг қишлоқ хўжалигига етказиб берилганлиги учун ҳисоб-китобларнинг ўз вақтида ва тўлиқ амалга оширилишини таъминлаш, ҳудудий агрокимё хизматларининг масъулиятини ошириш, улар ва ишлаб чиқарувчи корхоналар ўртасидаги ўзаро муносабатларни яхшилаш мақсадида Вазирлар Маҳкамаси қ а р о р қ и л а д и :

1. Маъмурий ислохотларни чуқурлаштириш ва иқтисодий-тиб бошқариш тузилмасини такомиллаштириш юзасидан таклифлар тайёрлаш бўйича Республика комиссияси, Қишлоқ ва сув хўжалиги вазирлиги, "Ўзкимёсаноат" давлат акциядорлик компанияси, "Ўзқишлоқхўжаликкимё" давлат акциядорлик компанияси акциядорлари, "Қишлоқхўжаликкимё" ҳудудий акциядорлик бирлашмалари ва "Ўсимликларни ҳимоя қилиш кимёвий воситалари республика базаси" акциядорлик жамиятининг; "Ўзқишлоқхўжаликкимё" давлат акциядорлик компаниясини тугатиш; "Қишлоқхўжаликкимё" ҳудудий акциядорлик бирлашмалари,

рени, уларни "Ўзкимёсаноат" давлат акциядорлик компанияси таркибига берган ҳолда, "Қишлоқхўжаликкимё" ҳудудий акциядорлик жамиятларига айлантириш; "Ўсимликларни ҳимоя қилиш кимёвий воситалари республика базаси" акциядорлик жамиятини, Қорақалпоғистон Республикаси, Қашқадарё, Сурхондарё, Тошкент, Жиззах ва Бухоро вилоятлари чигирткага қарши курашиш экспедицияларини, Республика агрокимё станциясини, Республика ўқув-ишлаб чиқариш биологояриясини, Зараркунандалар, кассалликлар ва бегона ўтлардан ҳимоя қилиш бўйича диагностика,

(Давоми 2-бетда).



ИҚТИДОРЛИ ЁШЛАР РАҒБАТЛАНТИРИЛДИ

Бир неча йилдирки, «Соғлом авлод учун» халқаро хайрия жамғармаси иқтидорли ёшларни қўллаб-қувватлаш борасида бир қатор халқаро хайрия ташкилотлари билан фаол ҳамкорлик олиб бормоқда. Жамғарма томонидан ушбу тадбирларни Меҳр ва мурувват йилида ҳам давом эттириш кўзда тутилган бўлиб, яқинда қардошларча ҳамкорликнинг яна бир натижаси сифатида Ангрен шаҳрида хайрия тадбири бўлиб ўтди. Маросимда Корея Умумжаҳон кўмаги жамғармаси томонидан Вилоят педагогика институтининг 10 нафар иқтидорли талабаси ҳамда 50 нафар мактаб ўқувчиларига жамғарманинг махсус стипендиялари топширилди. Унда қатнашган вилоят ҳокими ўринбосари, хотин-қизлар кўмитаси раиси Адиба Аҳмаджонова ўз сўзида бу каби тадбирларни ўтказишдан мақсад иқтидорли ёшларни қўллаб-қувватлаш, уларни рағбатлантириш ҳамда умидли келажак сари етаклашдан иборат эканлигини таъкидлади.

(Давоми 3-бетда).

ТАШКИЛИЙ ҚЎМИТА ИШ БОШЛАДИ

Наврўз — халқимизнинг энг қадимий байрами. Бу айём миллий қадриятларимизни авайлаб-асраш, дўстлик, биродарлик, яқдиллик, меҳр-оқибат фазилатларини шакллантириш, ёшларимизга Ватанга муҳаббат туйғуларини синдиришда алоҳида аҳамият касб этади. Ана шунинг учун ҳам вилоятимизда умумхалқ байрамига ҳозирлик эрта бошланади.

Мамлакатимизда 2004 йилнинг Меҳр ва мурувват йили этиб белгиланганлиги Наврўз байрамига ҳар доимгидан ҳам ўзга руҳ ва масъулият билан тайёргарлик кўришга ундамоқда. Вилоят ҳокимининг Наврўз байрамига тайёргарлик кўриш ва уни ўтказиш юзасидан қабул қилган қарорида ана шу жиҳатлар алоҳида эътиборга олинган. Вилоятда Наврўз байрамини ташкил этиш ва ўтказиш ташкилий қўмитаси ҳам ўз ишини фаол бошлаб юборди. Айём муносабати билан белгиланган тадбирларнинг кўлами ҳам ниҳоятда кенг ва ранг-баранг. Энг муҳими, айём тадбирларидан ҳеч кимнинг четда қолмаслиги, ундан баҳраманд бўлишидир. Албатта, жойларда меҳр-мурувват тадбирларини ташкил этиш, бу ишларга ҳокимликлар, корхона,

ташкилот ва муассасалар ҳамда жамоат ташкилотларини кенг жалб этиш катта ўрин тутаяди. Наврўз байрами муносабати билан 2004 йилнинг февраль ва март ойларининг вилоятимизда ободонлаштириш ва кўкаламзорлаштириш икки ойлиги деб эълон қилинганлиги, бу даврда кенг кўламдаги тозалик ва саришталик ишларининг амалга оширилиши ҳам кўпчиликнинг эътиборини тортмоқда.

Айни кунларда ана шундай ташкилий қўмиталар шаҳар ва туманларда ҳам ўз фаолиятини бошлади. Бу қўмиталар йиғилишларида Наврўз байрамини ташкил этиш ва ўтказиш билан боғлиқ масалалар муҳокама этилмоқда. Таклифлар, ташаббуслар асосида режалар, дастурлар белгилаб олинмоқда. Жойларда қатор тадбирлар юзасидан алақачон амалий ишлар ҳам бошлаб юборилди.

МАЖМУА ЙИҒИЛИШИ: ТАҲЛИЛ ЭТИЛДИ, ВАЗИФАЛАР БЕЛГИЛАНДИ

Вилоят ҳокимлигида индустрияни ривожлантириш, қурилиш ва коммуникация масалалари мажмуининг йиғилиши бўлиб ўтди. Унда вилоятдаги пудратчи қурилиш ва коммунал хизмат кўрсатиш ташкилотларининг 2003 йилдаги иш якунлари, соҳада иқтисодий ислохотларнинг бориши ҳамда 2004 йил ва унинг биринчи чорагида амалга оширилмаган ишлар тўғрисидаги масалалар кўриб чиқилди. Йиғилишда вилоятнинг тегишли бўлим ва бошқармалари бошлиқлари, шаҳар ва туман ҳокимларининг қурилиш ва коммунал соҳа бўйича ўринбосарлари, буюртмачилар, пудратчи қурилиш ташкилотлари раҳбарлари ҳамда қатор бошқа мутасадди ташкилотлар вакиллари қатнашдилар.

Йиғилишни вилоят ҳокимининг ўринбосари Абдуҳамид Йўлдошев бошқарди.

(Давоми 3-бетда).

БЕКОБОДА ШУНДАЙ ГАПЛАР

ёхуд туманда болалар спортини ривожлантиришнинг аҳволи хусусида

Йиллар ўтиб, бугунги ислохотлар, ижобий из қолдириш йўлидаги қадамлар тарих бўлиб қолади. Улар ичида Ўзбекистонда болалар спортини ривожлантиришга ҳукумат даражасида берилган эътибор алоҳида аҳамият касб этса, ажабмас. Утган жуда қисқа муддат — бор-йўғи бир йил ичида юртимизда минглаб спорт мажмуа ва майдончалари қайта таъмирланиб, ўнлаб янгилари бунёд этилмоқда. Юртбошимиз ташаббуси, жой-

лардаги фидойи кишилар саъй-ҳаракати билан айни пайтда амалга ошириляётган кенг кўламли ишлар яқин йилларда, албатта, ўз ижобий мевасини беради. Энг эътиборли жиҳати, болалар спортини ривожлантириш янги, мустақил тизим сифатида тетапоя бўлиб келмоқда. Албатта, ҳали ҳар тарафлама комил, соғлом, бақувват, юксак ақлий салоҳиятга эга фарзандларни тарбиялаш учун маблағдан ташқари, жисмоний тарбия ва спорт ҳар бир ташкилот, корхона, унинг раҳбари, мактаб, маҳалла, оила ҳаётида муҳим аҳамият касб этиши лозим. Соҳадаги эндиги мақсадлар натижаси шу омилларга қай даражада эътибор қаратилишига боғлиқ.

(Давоми 6-бетда).

«ТОШКЕНТ ХАКИКАТИ» — СИЗНИНГ ГАЗЕТАНГИЗ! Эслатиб ўтамиз: бизнинг индекс — 205. Обуна бўлдингизми?

Ўзбекистон Республикаси Вазирлар Маҳкамасининг

ҚАРОРИ

Кимё саноати корхоналарини бошқариш тузилмасини такомиллаштириш ва қишлоқ хўжалигига агрокимё хизмати кўрсатишни яхшилаш чора-тадбирлари тўғрисида

тика, прогноз ва биометод Республика ва ҳудудий лабораторияларини Қишлоқ ва сув хўжалиги вазирлиги тасарруфига бериш тўғрисидаги таклифлари қабул қилинсин.

2. Қуйидагилар "Ўзкимёсаноат" давлат акциядорлик компаниясининг асосий вазифалари этиб белгилансин:

кимё саноатини замонавийлаштириш, реконструкция қилиш ва техника билан қайта жиҳозлашга йўналтирилган ягона техника сийёсати ўтказиш, ресурсларни тежайдиган самарали технологияларни жорий этиш, ишлаб чиқаришни ва бутловчи маҳсулотлар ишлаб чиқаришни маҳаллийлаштиришни ривожлантириш;

қишлоқ хўжалигининг минерал ўғитларга, ўсимликларни ҳимоя қилишнинг кимёвий воситаларига, шунингдек иқтисодиёт бошқа тармоқларининг рақобатбардошли кимёвий маҳсулотларга бўлган жорий ва истиқболдаги эҳтиёжларининг маркетинг тадқиқотларини олиб бориш ҳамда уларга бўлган эҳтиёжни аниқлаш;

тармоқни ривожлантиришнинг кимё саноатини барқарор ривожлантиришга, рақобатбардошли кимё маҳсулотлари ишлаб чиқаришни кўпайтиришга, экспорт салоҳиятини кенгайтиришга қаратилган ўртача муддатли ва узок муддатли дастурларини ишлаб чиқиш ва амалга ошириш;

Ўзбекистон Республикаси Иқтисодиёт вазирлиги ҳамда бошқа манфаатдор вазирликлар ва идоралар билан биргаликда минерал ўғитлар, ўсимликларни ҳимоя қилишнинг кимёвий воситаларини ишлаб чиқариш ва тақсимлашнинг ҳар йилги баланслари ишлаб чиқилишида қатнашиш;

минерал ўғитлар ва дефолиантларни сотиш бўйича ҳар йилги ярмарка савдолари ўтказилишини ташкил этиш;

хорижий ва Ватанимиз инвесторларини жалб этган ҳолда кимё саноати корхоналарини чуқур ислох қилиш ва хусусийлаштириш;

менежментнинг замонавий усуллари эгаллаган ва бозор

(Давоми. Боши 1-бетда).

шароитларида самарали ишлашга қодир бўлган муҳандистехник кадрлар ва бошқарув кадрлари малакасини ошириш ва уларни қайта тайёрлаш.

3. "Ўзкимёсаноат" давлат акциядорлик компаниясининг ташкилий тузилмаси ва ходимларининг умумий чекланган сони 85 нафар, шу жумладан бошқарув ходимлари сони 56 нафар бўлган ижро этувчи аппарати тузилмаси;

"Қишлоқхўжалиқимё" ҳудудий акциядорлик жамиятининг, уларнинг туманлараро ва туман филиалларининг намунавий тузилмалари тасдиқлансин.

Белгилансинки, Вазирлар Маҳкамасининг қарори билан тасдиқланадиган 13 кишидан иборат Компания кенгаши "Ўзкимёсаноат" давлат акциядорлик компаниясини бошқаришнинг юқори органи ҳисобланади.

"Ўзкимёсаноат" давлат акциядорлик компанияси бошқаруви раисига зарурийат бўлганда ва Компания кенгаши билан келишган ҳолда ходимларнинг штатда белгиланган сони доирасида Компанияни бошқариш ижро этувчи аппарати тузилмасига ўзгартиришлар киритишга рухсат этилсин.

Белгилаб қўйилсинки, "Ўзкимёсаноат" давлат акциядорлик компанияси бошқаруви 4 кишидан, шу жумладан раис ва унинг 3 нафар ўринбосаридан иборат бўлади. Раис ва унинг ўринбосарлари юқори бошқарув органи томонидан сайланади, кейинчалик Ўзбекистон Республикаси Вазирлар Маҳкамаси томонидан тасдиқланади ҳамда маиший таъминот, тиббий ва транспорт хизмати кўрсатиш шарт-шароитларига кўра раис вазирга, биринчи ўринбосар – вазирнинг биринчи ўринбосарига, раис ўринбосарлари эса – вазир ўринбосарларига тенглаштирилади.

4. Белгилансинки, "Қишлоқхўжалиқимё" Қорақалпоғистон республика ва вилоят акциядорлик жамиятлари бошқаруви раислари Қорақалпоғистон Республикаси Вазирлар Кенгаши Раиси ва вилоят ҳокимларининг тақдимномасига кўра "Ўзкимёсаноат" давлат акциядорлик компанияси бошқаруви раиси

томонидан лавозимга тасдиқланадилар.

5. Белгилаб қўйилсинки, "Қишлоқхўжалиқимё" ҳудудий акциядорлик жамиятлари:

юридик шахс сифатида ташкил этилади ва "Ўзкимёсаноат" давлат акциядорлик компанияси таркибига киради;

ўз туманлараро ва туман филиаллари орқали тегишли ҳудуд бўйича ҳақиқий талабни ўрганадилар, буюртманомаларни умумлаштирадилар ҳамда пировадор истеъмолчилар – қишлоқ хўжалиги ишлаб чиқарувчилари билан минерал ўғитлар ва ўсимликларни кимёвий ҳимоя қилиш воситаларининг аниқ турларини етказиб бериш юзасидан шартномалар тузадилар; ҳар йили 1 октябрдан кечикмай, қишлоқ хўжалиги ишлаб чиқарувчиларининг буюртманомаларини умумлаштириш асосида республика вилоятлари бўйича минерал ўғитлар ва ўсимликларни кимёвий ҳимоя қилиш воситаларига бўлган эҳтиёж прогнозини шакллантирадилар ҳамда минерал ўғитлар ва ўсимликларни кимёвий ҳимоя қилиш воситаларини ватанимиз ишлаб чиқарувчи корхоналарида ишлаб чиқариш бўйича келгуси йил дастурини ўз вақтида тайёрлаш учун "Ўзкимёсаноат" давлат акциядорлик компаниясига тақдим этадилар.

6. Қуйидаги тартиб белгилансин, унга кўра:

2004 йилдан бошлаб ишлаб чиқарувчи корхоналар томонидан минерал ўғитларнинг асосий турларини ва дефолиантларни улгуржи сотиш юзасидан шартномалар (контрактлар) тузиш ҳар йили ўз маҳсулотларининг кўргазма-сотувини ташкил этган ҳолда ярмарка савдоларида амалга оширилади;

минерал ўғитлар ва дефолиантларни ишлаб чиқарувчи корхоналар ва импорт қилувчилар – бир томондан, улгуржи харидорлар – "Қишлоқхўжалиқимё" ҳудудий акциядорлик жамиятлари ва маҳсулотнинг бошқа улгуржи истеъмолчилари – иккинчи томондан ярмарка савдолари қатнашчилари ҳисобланадилар;

шартномалар тузиш ҳамда минерал ўғитлар ва дефолиантларни сотиш бўйича ярмарка савдолари ҳар йили, прогноз

йилидан олдинги йилнинг октябрь-ноябрь ойларида ўтказилади.

Кўрсатиб ўтилган вазифани амалга ошириш учун:

"Ўзкимёсаноат" давлат акциядорлик компанияси ижро этувчи аппарати тузилмасида минерал ўғитлар ва дефолиантлар ярмарка савдоларини ташкил этиш бўлими ҳамда доимий фаолият кўрсатувчи ярмарка кўмитаси ташкил этилсин;

Ўзбекистон Республикаси Молия вазирлиги, Иқтисодиёт вазирлиги "Ўзкимёсаноат" давлат акциядорлик компанияси ҳамда Қишлоқ ва сув хўжалиги вазирлиги, бошқа манфаатдор идоралар билан биргаликда Буюртмаларни шакллантириш, ярмарка савдоларини ўтказиш, қишлоқ хўжалиги ишлаб чиқарувчиларига етказиб бериладиган минерал ўғитлар ва бошқа кимёвий маҳсулотларни сотиш ҳамда улар учун ҳисоб-китоб қилиш тўғрисидаги низомни бир ой муддатда ишлаб чиқсинлар ва белгиланган тартибда тасдиқлансинлар.

7. "Ўзкимёсаноат" давлат акциядорлик компаниясининг минерал ўғитлар ишлаб чиқарувчи корхоналари томонидан воситачилик шартномалари бўйича ва "Қишлоқхўжалиқимё" ҳудудий акциядорлик жамиятларининг омборларида жавобгарлик остида сақлаш учун минерал ўғитлар жўнатиш таққиқлансин.

"Ўзкимёсаноат" давлат акциядорлик компанияси кенгаши минерал ўғитлар ишлаб чиқарувчи корхоналарга махсус жиҳозланган омборхоналар ажратиш ва бериш масаласини, ишлаб чиқарилган маҳсулотни сақлаш хавфсизлиги режими қатъий равишда таъминланишини назарда тутган ҳолда, бир ой муддатда кўриб чиқсин.

8. Белгилансинки, "Қишлоқхўжалиқимё" ҳудудий акциядорлик жамиятларининг чакана савдо тармоғи орқали деҳқон ва фермер хўжалиқларига сотиладиган минерал ўғитлар ва кимёвий препаратларга қўшилган қиймат солиғи солинмайди.

Вазирлар Маҳкамасининг Раиси

И. КАРИМОВ.

Тошкент шаҳри, 2004 йил 23 январь.

МЕҲР ВА МУРУВВАТ ЎН КУНЛИГИ

Хайрли ишлар, саховат, инсонпарварлик энг юксак фазилатлар. Ўтаётган йилимизнинг Юртбошимиз ташаббуси билан Меҳр ва мурувват йили бўлиб қирганлиги ҳар биримизда ана шу хайрли ишларни амалга оширишда ўзгача масъулият ҳиссини шакллантирмоқда. Қувончлиси шундаки, қатор ташкилотлар, муассасалар, жамоат ташкилотлари бу йўлда янги ташаббуслар билан чиқмоқдалар.

Ўзбекистон Республикаси «Қизил Ярим Ой» жамияти вилоят Кенгаши ҳам ўз инсонпарварлик фаолиятини кенгайтириш мақсадида талайгина ишларни амалга оширмоқда. 2003 йилнинг ўзида жамиятнинг вилоят бўлими томонидан аҳолига 7,5 миллион сўмликдан ортиқ тиббий, ижтимоий ва маънавий ёрдамлар кўрсатилди. Жамият 2004 йилда ҳам фавқулодда вазиятларда жабрланган аҳолига, кам таъминланган оила-лар, ёлғиз қариялар ҳамда ногиронларга ёрдам кўрсатишни давом эттириш мақсадида шу йилнинг 20 январидан 30 январигача хайр-эҳсон ўн кунлигини ўтказиш ташаббуси билан чиқди. Ана шу ташаббусни кўллаб-қувватлаш ҳақидаги вилоят ҳокимининг фармойишида ўн кунликни ўтказишнинг асосий мақсад ва тамойиллари ҳамда вазифалар ўз ифодасини топган.

Айни кунларда барча шаҳар ва туманларда, корхона, хўжалик, муассаса ва ташкилотларда

хайр-эҳсон ўн кунлигини ўтказиш юзасидан ташкилий ишлар қилинмоқда. Бу тadbирда тушган маблағ эса турли хил табиий офатларни бартараф этиш, муҳтожларни кўллаб-қувватлаш ва бошқа хайрли ишларга сарфланади. Хайр-эҳсон марафонининг бош тadbiri Олмалик шаҳрида бўлиб ўтади.

Ўйлаймизки, республика «Қизил Ярим Ой» жамияти вилоят Кенгашининг бу ташаббуси кенг кўллаб-қувватланади ва савоб ишдан ҳеч ким четда қолмайди. Ўн кунлик давомида ўтказиладиган хайрли маблағларини қуйидаги ҳисоб рақамига ўтказилишини эслатиб ўтамиз:

Тошкент шаҳри, Ўзбекистон акциядорлик уй-жой жамғарма банки меҳнат бўлими, Х/Р 20212000900101740001, МФО – 00423, ИНН: 200896787 Ўзбекистон «Қизил Ярим Ой» жамиятининг Тошкент вилояти Кенгаши.

ТАЛАБАЛАР БАҲСИ

Ангрен, Олмалик, Оҳангарон шаҳарлари касб-ҳунар коллежлари талабалари ўртасида беллашувлар бўлиб ўтди. Унда талабаларнинг интеллектуал салоҳиятлари билан бирга спорт соҳасидаги маҳоратлари ҳам синовдан ўтказилди. Мусобақаларда етти жамоа иштирок этди.

Бахслар якунига кўра Оҳангарон шаҳар маиший хизмат касб-ҳунар коллежи талабалари ғолиб чиқдилар.

ЗАРДҲИЛИКНИ ЎРГАНИШАПТИ

Чиноз тумани марказидаги техник ижодиёт уйида зардҳилик сирларидан сабоқ берила бошлади.

Бу ерда билим олишга қизиқувчилар сони кундан-кун ортиб бормоқди. Чинозлик хотин-қизлар дўппи, тўн, сўзана ва бошқа зардҳи кийим-бошлар тикишни ўрганмоқдалар.

Бундай марказларни туманнинг қишлоқ жойларида ҳам очиш рожалаштирилган.

ОНА СОҒЛОМ БЎЛСИН

Бекобод тумани хотин-қизлар кўмитаси ҳамда туман марказий шифохонаси ҳамкорликда маҳалаларда ўсмир қизлар ва туғиш ёшидаги аёлларни тиббий кўриқдан ўтказиш бошлади.

Текширувлар жараёнида ёшларнинг ота-оналари билан ҳам бевосята мулоқотлар ўтказилмоқда.

Бошланган ишдан мақсад — оилада тиббий маданиятни ошириш, қариндош-уруғлар ўртасида қандадчаликка йўл қўймаслик ва энг асосийси қизларда учрайдиган турли хасталикларнинг олдини олишдир.

Рустам РАВШАНОВ.

Ўзбекистон Республикаси Ички ишлар вазирлиги Хуқуқбузарликнинг олдини олиш Бош бошқармаси ташаббуси ҳамда Халқ таълими вазирлиги, Республика оқсоқоллар кенгаши ва «Маҳалла» жамғармаси, «Камолот» ёшлар ижтимоий ҳаракати марказий кенгашлари ҳамкорлигида ўтказилаётган «Намунали милиция таянч пункти» кўргазмалари кўрик-танловининг республика босқичи якунланди. Пойтахтдаги «Туркистон» саройида ушбу танловнинг 2003 йилги якунига бағишланган йиғилиш ва ғолибларни тақдирлаш маросими бўлиб ўтди.

«МАТИЗ» БИЛАН ТАҚДИРЛАНДИ

Бўка туманидаги Жағалбойли қишлоқ фуқаролар йиғини ҳудудидаги 94-милиция таянч пунктнинг фаолияти республика танловида биринчи ўринга лойиқ топилди

Мазкур танловни ўтказишдан мақсад — маҳаллалар ободлигига эришиш, уларда осойишталикни таъминлаш борасида амалга оширилаётган ишлар самарадорлигини ошириш ҳамда бошқа маҳаллаларда ҳам худди шундай милиция таянч пунктларини барпо этиш, шу билан биргалликда ички ишлар ходимларининг жамоатчилик билан ҳамкорликда йил бўйи қилган меҳнатларини тақдирлаш, эришган муваффақиятларини эътироф этишдир.

Бир неча номинациялар бўйича вилоят босқичларида ғолибликни қўлга киритган милиция

таянч пунктлари ва профилактика нозирлари фаолияти махсус гуруҳ томонидан жойларда мукамал ўрганиб чиқилди. Хайъат аъзолари тайёрланган фотоальбомлар, видеотасмалар ҳамда тегишли ҳужжатлар билан танишдилар. Шунингдек, баҳолаш жараёнида милиция таянч пунктларининг кўргазмалари лавҳалар билан жиҳозланганлиги, хизмат хоналарининг етарли эканлиги, бинолар атрофида спорт майдончалари, кичик ва ўрта бизнес тармоқларининг мавжудлигига ҳам алоҳида эътибор қаратилди. Тадбирда ғолиблар эълон

қилинди. Улар орасида Тошкент шаҳри ва вилояти ҳудудий танловида муваффақият қозongan вилоятимиз вакиллари ҳам борлиги айниқса қувонарлидир.

Бўка туманидаги Жағалбойли қишлоқ фуқаролар йиғини ҳудудидаги 94-милиция таянч пункти ва у ернинг профилактика нозир Дилмурод Укебоев ўзига талабчанлиги, аҳоли ўртасида тарбиявий ва маънавий ишлари аъло даражада олиб борганлиги учун ҳам ғолибликни қўлга киритди. Ёшлар ўртасида хуқуқбузарликнинг олдини олиш, жиноятчиликка қарши курашиш, нотинч оилалар билан ишлаш, ёшларни иш билан таъминлашга кўмаклашиш кабиларда аҳоли билан тил топиша олган Дилмуродга ва у фаолият олиб бораётган милиция таянч пунктига Ички ишлар вазирлиги томонидан танловга қўйилган «Матиз» автомобилларидан бири тақдим этилди.

Танловнинг Республика финал босқичида қатнашган яна бир неча вилоятлардаги милиция таянч пунктлари ва профилактика нозирлари ҳам ана шундай «Матиз» автомобиллари ва бошқа қимматбаҳо совғаларни қўлга киритди.

Тадбирда Ўзбекистон Республикаси Бош вазирининг ўринбосари, кўрик-танлов ҳайъатининг раиси Алишер Азизхўжаев иштирок этди.

Равшан ЁҚУБЖОНОВ,
«Тошкент ҳақиқати» муҳбири.

ИҚТИДОРЛИ ЁШЛАР РАҒБАТЛАНТИРИЛДИ

Стипендияларни тантанали топиши маросимида қатнашган Корея Умумжаҳон кўмаги жамғармаси вакили Чан Ги Чон Ўзбекистон, унинг ўтмиши ва бугунги илмга чанқоқ ёшлари унда катта ишонч уйғотганини эътироф этди. Чунончи, у мамлакатимизда яшайдиган корейслар ва уларнинг фарзандлари фаолият юритиши ҳамда яшаши учун барча қулайликлар яратилганлигидан мамнунлигини билдирди. Анжуманда, шунингдек, «Соғлом авлод учун» халқаро хайрия жамғармаси бошқаруви раиси Светлана Иномова, Ангрэн шаҳар ҳокими муовини Фуркат Исроилов, шаҳардаги 21-умумтаълим мактаби директори Раиса Маренчук ва бошқалар сўзга чиқдилар.

Корея жамғармасининг Ўзбекистондаги вакили Ким Кёнг Ил ўз сўзида, хусусан, Ангрэн шаҳрида келгусида жамғарма ҳисобидан стоматология шифохонаси бунёд этилишини ҳам айтди.

(Давоми. Боши 1-бетда).



СУРАТДА: тадбирдан лавҳа.
Д. АҲМАД олган сурат.

Тақдирланган ёшлар номидан сўзга чиққан Вилоят педагогика институтининг инглиз тили факультети 4-курс талабаси Евгений Когай ушбу рағбат уларни янада қу-

қур билим олишга ва изланишга ундашни айтиб, ўзларига билдирилган ишонч ҳамда берилган муқофот учун миннатдорчилик билдирди.

Ўз муҳбиримиз.

Кўчат экин, боғ қилин

Қибрай туманидаги «Тошкент» кўчатчилик хўжалиги ҳар йилги мавсумда ўз мижозларига чекланмаган миқдорда мевали ва манзарали дарахт ҳамда турли хил гул кўчатлари етказиб беради. Кўчат экиш, янги боғлар барпо этиш мавсуми яқинлашиб қолган шу кунларда хўжаликнинг барча майдонларида етилган кўчатларни сотувга тайёрлаш ишлари авж олиб кетди. Бу ҳақда хўжалик раҳбари Алишер Ортиқхўжаев шундай ҳикоя қилади.

— Президентимизнинг қишлоқ хўжалигини ривожлантириш масалаларига бағишланган бир йиғилишда айтган гаплари ҳеч ёдимдан чиқмайди. «Ўзбекнинг феъл-атвори барчага аён, у ерни, табиатни севади, дўппи-сида сув ташиб бўлса ҳам дарахт кўкартиради» деган эдилар Юртбошимиз. Бу заҳматкаш халқимизнинг қунончилик, муруватлилик хислатларини рўй-рост ифодаловчи оқилона баҳодир. Бизнесинг хўжалигимиз аъзолари амалга ошираётган ишлар ҳам шундай хайрли. Негаки, серкўш ўлкаимизнинг турли минтақаларида барқ уриб ривожланиб, эл-юрт дастурхонига ширин-шарбат мева тўқаётган аксарият боғларнинг бунёдга келишида хўжалигимиз аъзоларининг озми-кўпми ҳиссалари бор. Зеро, улар етиш-

ИСТАГАНИНГИЗЧА БУЮРИНГ, ЕТКАЗИБ БЕРАМИЗ

тираётган сархил кўчатларга нафақат Тошкент вилояти, балки республикамизнинг турли минтақаларида ҳам харидорлар кўп.

Ҳадемай кўчат экиш, боғ яратиш ишлари авж оладиган навбатдаги мавсум бошланади. Бу биз учун энг масъулиятли давр. Чунки, беистисно, барча мижозларимиз етиштирган кўчатларимиз сифатидан қаноат ҳосил қилишлари, барпо этган боғлари яхши ривожланиб, тез ҳосилга кириши лозим. Акс ҳолда хўжалигимиз аъзолари-

нинг меҳнатлари моддий жиҳатдан ҳам, маънавий жиҳатдан ҳам кадр топмайди. Шу боис биз асосий эътиборни етиштирилаётган мевали ва манзарали дарахт ҳамда гул кўчатларининг сифатига қаратамиз.

Хўжалигимиз аъзолари бу йилги мавсум учун юз минг тупдан зиёд ток, ўн минглаб туп мевали, манзарали дарахт ва



атиргул кўчатларини сотувга тайёрладилар. Арча ва мажнунтол кўчатлари ҳам етарли миқдорда тайёрланди. Бизда хўжаликларга, корхона, ташкилот ва муассасаларга, шунингдек, аҳолига чекланмаган миқдорда кўчат сотиш имконияти мавжуд.

Биз мижозларга фақат кўчат етказиб берибгина қолмай, улар экилгандан сўнг тез ва

бехато амал олиб, яхши ривожланиши учун малакали маслаҳатлар ҳам бериб борамиз. Хусусан, хўжалигимиздан харид қилинган кўчатларни майда-йирклигига қараб, 40-60 сантиметр чуқурликда экишни тавсия қиламиз. Чуқурчага тортилмаган тупроққа чиринди аралаштириб, сув куйиб экилса, кўчатлар бехато кўкаради. Кўчатнинг пайванд қилинган жойи тупроқ билан баравар қилиб кўмилиши керак. Шунда тупроқ босилиб зичлашгач, уланган жой очик қолиб, яхши тутатади. Бундан ташқари экиш олтидан кўчат илдизларининг шикастланган, яъни эзилган, синган жойлари кертиб ташланиши керак.

Мутахассисларимиз кўчат етиштириш жараёнида аҳоли хонадонлари эҳтиёжини ҳам эътиборга олишади. Зеро, ҳар бир ҳовлида олма, ўрик, ёнғоқ, тут, анор, анжир, хурмо, бодом каби мевали дарахтлар ҳосил бериб турса, хонадон соҳиблари дори-дармонларга муҳтож бўлишмайди. Қолаверса, кўчат экиш, боғ яратиш табиатни бойитиш, атроф-муҳитни тозалаш, юртимизни кўкаламзорлаштиришдек хайрли ишларга ҳисса қўшиш демакдир.

Ўз муҳбиримиз.

БЕКОБОДДА ШУНДАЙ ГАПЛАР

ёхуд туманда болалар спортини ривожлантиришнинг аҳволи хусусида

Жисмоний тарбия ва спорт соҳасидаги давом этаётган ислохотларга ўзи бўларчилик кайфияти баъзи раҳбарлар фаолиятида ҳануз давом этаётгани, чекка қишлоқларда болалар спортини ривожлантириш сустиги ва кўрсатилган эътибор етарли даражада эмаслиги, ҳали бу жабҳадаги саъй-ҳаракатлар моҳиятини англамаслик ҳолатлари мавжудлиги Ўзбекистон Болалар спортини ривожлантириш жамғармаси Ҳомийлик кенгашининг яқинда бўлиб ўтган навбатдаги йиғилишида аниқ-ойдин кўрсатиб ўтилди.

Болалар спортини ривожлантириш жамғармаси вилоят филиали Ҳомийлик кенгашида виллотимиз ҳокими ҳам бу соҳадаги ютуқлар билан биргаликда салбий ҳолатлар хусусида куюниб гапириб, нуқсонларга имкони борича тезроқ барҳам бериш, бу борада ҳомийлар масъулиятини ошириш, болалар спортининг чекка қишлоқларда ривожланишига эътиборни янада кучайтириш лозимлигини алоҳида таъкидлади. Мана, шундан бери бир ҳафта муддат ўтди. Муҳбиримиз виллот туманларида болалар спортини ривожлантириш соҳасида қандай ўзгаришлар бўлаётганини билдиш мақсадида Бекобод туманида бўлиб қайтди.

Туманда ўтган вақт ичида болалар спортини ривожлантириш борасида иш қилинмаган, десак ноҳақ бўламиз. Бекободда дастур белгиланган, жамғарманинг туман бўлими фаолият кўрсатиб турипти. Бир қатор спорт иншоотлари таъмирдан чиқарилди, спорт анжумлари олинди. Булар яхши. Лекин масалага чуқурроқ кириб борсак, аҳолисининг деярли 90 фоизи қишлоқларда яшаб меҳнат қилаётган туманининг аксарият жойларида олиб борилаётган ишлар, бугун қониқарли эмас. Ахир, туман ҳудудидаги 62 та мактабнинг 42 тасида спорт зали, бутун бошли туманда атиги битта сузиш ҳавзаси бўлмаса, бу ҳолат мутасаддиларнинг пиноини бузмаса, бундан таъсирланмаслик имкинми? Тўғри, бу борада туманда илк қадам — асос мавжуд. Ўтган йилда Бобур номли ширкат хўжалигидаги 39-мактабда икки майдонли теннис корти қурилган, умумтаълим мактабларидаги 6 та спорт зали ҳомийлар ҳисобига таъмирланган. «Омонполвон», «Педагог», «Хонобод», «Парвиз» каби болалар спорт клублари фаолият кўрсатмоқда.

Бироқ, 2003 йилда жамғарманинг туман бўлими ҳисобига 32,5 миллион сўм ҳомийлик маблағи тушиши белгиланган бўлса-да, атиги 12,5 миллион сўм маблағ туширилган. 7,5 миллион сўм эса ўтган йилда Бекобод туманида болалар спортини ривожлантиришга сарфланган. Бундан келиб чиқадиган баҳо шуки, туман Болалар спортини ривожлантириш жамғармаси Ҳомийлик кенгашининг кучи ва маблағи бор-йўғи 5-6 донна кураш гиламини олиб беришга етибди.

— Туманимиз аҳолиси 131 минг 641 нафардан иборат, —

(Давоми. Боши 1-бетда).

дейди Болалар спортини ривожлантириш жамғармаси туман бўлими бош мутахассиси Муҳиддин Акрамов. — Шундан 32 минг 334 нафари 6 ёшдан 17 ёшгача бўлган болалардир. Уларнинг 1030 нафари (3,1 фоиз) мунтазам, 7765 нафари (24 фоиз) оммавий спорт билан шуғулланмоқда. Тумандаги 7 та умумтаълим мактаби-



да мунтазам шуғулланувчилар учун журналлар тутилган бўлиб, уларда ўқувчиларга разрядлар берилди. Умумтаълим мактабларидаги мутахассисларнинг сони 141 нафар бўлиб, улардан 33 нафари олий, 108 нафари ўрта маълумотли ўқитувчилардир. Мавлонов номли ширкат хўжалиги ҳудудидаги 5 та умумтаълим мактабларида 1937 нафар ўқувчи таълим олади. Бу мактабларда 14 та спорт майдони мавжуд. Бироқ бирортасида ҳам спорт зали йўқ. Шунинг учун Болалар спортини ривожлантириш жамғармасининг виллот филиали Ҳомийлик кенгашига бу ҳудудда спорт зали қуриш юзасидан тақлиф билан чиқишни режалаштирганмиз. Жорий йилда 4 та стадион, 33 та футбол, 59 та волейбол, 59 та баскетбол, 36 та кўл тўпи майдонларини, 2 та теннис кортини, туманда ягона болалар ва ўсмирлар спорт мактабини таъмирлаш ва унда сузиш ҳавзаси қуришни ният қилганмиз.

Дарҳақиқат, спортни ривожлантириш борасида тумандаги аҳвол бир хил эмас. Масалан, Бекобод тумани марказидан қарийб 40 чақирим узоқликда жойлашган бўлишига қарамай, Ойбек номли ширкат хўжалигидаги Қолгансир қишлоғида жойлашган 34-мактаб ҳавас қилса арзигулик спорт шароитларига эга. Бу ердаги 36 га 18 метр ҳажмдаги мактаб спорт зали кўплаб туманлар маркази уёқда турсин, ҳатто шаҳарларимизда ҳам санокли. Бироқ мактаб спорт залида иситиш тармоғи яхши ишламайди. Кийиниш хонаси бўлса-да, душда иссиқ ва совуқ сув йўқ.

Мана, биз туман Болалар спортини ривожлантириш жамғармаси бош мутахассиси Муҳиддин Акрамов таъкидлаган ягона спорт мактабидамиз. Ота-оналар фарзандларимиз соғлом, бақувват, паҳлавон бўлиб ўссин, элу юртимиз доверғини етти иқлимга таратсин, дея не-не орзу-умидлар билан жигарбандларини жўнатган бу

ердаги манзара жисмоний тарбия ўқув маскани ҳақидаги тасавурларимизни буткул тарқатиб юборди. Сабаби, 538 нафар ўқувчи таълим оладиган мактабда спортнинг кўл тўпи, футбол, юнон-рум кураши каби турлари билан шуғулланиш имконини берадиган 24 га 12 метр ҳажмдаги нозамонавий спорт зали таъмирга жуда муҳтож. Спорт залидаги иситиш тармоғи умуман ишламайди, душда иссиқ ва совуқ сув йўқ.

Ушбу ширкат хўжалигидаги 33-умумтаълим мактабига олиб борадиган йўлни у томони бир неча гектарлик кўлли қамишзор, бу томони ҳам шундай. Мактабнинг аҳволини кўриб, туман ҳокими у ёқда турсин, лоақал хўжалик раҳбари бу ерга келганига гумон қиласиз. Мактаб дарвозасидан шундай кирганингизда 10 га 30 метр ҳажмдаги қаровсиз улкан хандаққа дуч келасиз ва бунга ажабланасиз. Мактабда 130 нафар бола таълим олиб, дарслар пастаккина ва кўримсиз бўлган иккита бир қаватли иморатларда ўтказилади. Мактабда спорт зали у ёқда турсин, талабга жавоб берадиган футбол, волейбол майдонлари ҳам йўқ. Баскетбол майдони ҳақида гапирмаса ҳам бўлади. Чимсиз, ярми сув бошган футбол майдонида этик ва калиш кийган болалар «мазза қилиб» тўп теппишмоқда. Кўлбола майдон эса хўжаликнинг улкан пахта ва бугдой далаларига улашиб кетган.

— Болаларга қишда шохмоташка ўйнатамиз, спорт анжумларини эса ўн беш йилдан буюн олганимиз йўқ эди. Яхшиямки, жамғарма ҳисобидан яқинда иккита тўп олдик. Бироқ қувончимиз бир ҳафтага ҳам етмади, — дейди мактаб ўқитувчиси Шариф Бозоров. — Мактабга ҳомий сифатида «Халқ банки»нинг туман бўлими бириктирилган эди. Бир неча бор мурожаат қилишимизга қарамай, натижага эриша олганимиз йўқ.

Бу туман марказидаги вундан узоқ бўлмаган мактаблардаги аҳвол. Туманинг бошқа ҳудудларидаги умумтаълим мактабларида ҳам аҳвол бундан яхши эмас. Шу ўринда бир ҳақиқатни тугулади: Нега бу мактабларга бириктирилган ҳомий ташкилотлар раҳбарлари бу масалага эътиборсиз муносабатда бўлмоқдалар? Нега туман ҳокимлиги бу хўжалик, ташкилот ва муассасаларнинг фаолиятига муносиб баҳо бермаяпти? Ахир, гап келажимиз бўлган болалар тарбияси, саломатлиги устида бормоқда-ку. Бизнингча, туманда талабчанлик, масъулият, ташаббус етишмаяпти. Ташаббус ва ижодкорлик йўқ жойни эса, ривожланиш ҳам тарқ этади.

Хулоса қилиб айтганда, туман ҳокимлиги, ҳомий корхона ва хўжаликларнинг раҳбарлари, қолаверса, болалар спортини ривожлантириш жамғармасининг туман филиали мутасаддилари эндиги эътиборни чекка қишлоқларга қаратиб, кўпроқ амалий иш қилсалар, нур устига аъло нур бўлур эди.

Воҳид БОЙМУРОДОВ,
«Тошкент ҳақиқати» муҳбири.

Ўтган йили бутун дунёга кенг тарқалган «ғайриоддий зотилжам», яъни оғир ўткир респираторли синдром яна пайдо бўлмоқда. Оммавий ахборот воситаларининг берган маълумотларига кўра, айни пайтда Хитойда яна ушбу хасталик билан касалланиш ҳолатлари рўйхатга олина бошланди. 2003 йилнинг сентябрь-декабрь ойларида Сингапур ва Тайванда одамларнинг икки марта лаборатория ичида касалликни юқтириш ҳолати рўйхатга олинган. Вақтида кўриланган чоралар туфайли касалликнинг олди олинди ва унинг тарқалишига йўл қўйилмади.

"Ғайриоддий зотилжам"га қарши мустақкам тўсиқ



Шу муносабат билан Ўзбекистон Республикаси Бош давлат санитария шифокори, Соғлиқни сақлаш вазирининг ўринбосари Бахтиёр Ниёзматов ЎзА муҳбирига оғир ўткир респираторли синдромнинг мамлакатимиз ҳудудига тарқалишига йўл қўймасликка қаратилган режали чора-тадбирлар амалга оширилаётганини маълум қилди. Бу ишлар тегишли хужжатлар — Ўзбекистон Республикаси Вазирлар Маҳкамасининг 2003 йил 14 майдаги фармойиши ва Республика эпидемияга қарши фавкулотда комиссияси қарорлари ижроси доирасида ўтказилмоқда.

— Соғлиқни сақлаш вазирлигида мамлакатимизда ўткир респираторли вирусли инфекциялар ва грипп билан касалланиш ҳолатларини доимий назорат қиладиган эпидемияга қарши штаб куну тун ишлаб турибди, — деди Б.Ниёзматов. — Штаб таркибига Фавкулотда вазиятлар, Ички ишлар вазирликлари, Давлат чегараларни ҳимоя қилувчи кўмита ва Давлат божхона кўмитаси вакиллари киритилган.

Оғир ўткир респираторли синдром касаллиги билан шубҳа қилинган беморларни ўз вақтида аниқлаш ва уларни алоҳида хоналарга жойлаштириш учун мазкур ташкилотлар билан биргаликда санитария-назорат пунктларида касаллик рўйхатга олинган мамлакатлардан келаётган авиайўловчилар ҳамда чегарамиздан ўтаётган шахслар соғлигини назорат қилиш ишлари кучайтирилди. Пойтахт аэропортида жойлашган пунктда тиббиёт мутахассисларидан иборат 4 та гуруҳ мунтазам ишлаб турибди.

"Ғайриоддий зотилжам" касаллиги билан гумон қилинган шахслар дарҳол шифохонага ётқизилади. Уларни қабул қилиш учун Тошкентдаги 1-юқумли касалликлар шифохонасида 30 та ўрин ажратилган, виллотлардаги юқумли касалликлар шифохоналарида ҳам 10 тадан бокс-изоляция тийёрлаб қўйилган. Беморларга ташхис қўйиш ва профилактика ёрдамини кўрсатиш учун вирусга қарши препаратлар, дезинфекцияловчи ва индивидуал ҳимоя воситалари захираси яратилди. Сунъий нафас олдириш аппаратлари, махсус компрессорлар ва вирусли-бактериологик филтлар тўлиқ шай ҳолатга келтирилди.

Айни пайтгача Ўзбекистонда бирорта ҳам оғир ўткир респираторли синдром билан касалланиш ҳолати рўйхатга олингани йўқ. Бироқ, қатор хориз давлатларидаги ҳозирги вазият республикамиз ҳудудига ушбу касалликнинг кириб келиши ва тарқалиши хавфини кучайтирмоқда. Шу сабабли Соғлиқни сақлаш вазирлигининг виллот бошқармалари ва маъмурий ҳудудларнинг давлат бош санитария шифокорларига профилактика ҳамда эпидемияга қарши чораларни кучайтириш зарурлиги ҳақида кўрсатмалар берилди. Барча виллотлардан келаётган кундалик ахборотни йиғиш ва таҳлил қилиш тизими йўлга қўйилди. Соғлиқни сақлаш вазирлиги тавсияномасига биноан оғир ўткир респираторли синдром касаллигини эпидемиологик назорат қилиш бўйича қўшимча чоралар кўрилди. Барча шифохоналар ва кундузги даволаш муассасаларида мутахассисларга ушбу касалликка ташхис қўйиш, уни даволаш ва олдини олиш бўйича кўрсатмалар берилмоқда.

А. ИВАНОВА, ЎзА муҳбири.

«Алпомиш» иш бошлади

Бекобод шаҳрида спорт тўғарақлари фаолияти анча жонланмоқда.

Яқинда шаҳар прокуратураси қошида яна бир спорт клуби — «Алпомиш» иш бошлади. Бу ерда болалар спортнинг кураш тури бўйича шуғулланишмоқда. 5 нафар тажрибали спорт мураббийлари раҳбарли-

гида 300 нафар ёшлар кураш сирларини ўрганишяпти.

«Алпомиш»да машғуллотлар учун қулай шароитлар яратилган ҳамда спорт кийимлари бепул.

Дилором ФАЙЗИЕВА.



ЖАЗОИР: ЁНГИН ТУФАЙЛИ ПОРТЛАШ

Жазоирнинг Скидк шахридаги нефть ва газни қайта ишлаш мажмуида кучли портлаш содир бўлди. 27 киши ҳаётдан кўз юмди. Кўплаб одамлар оғир жароҳатланди.

Маълумотларга кўра, аввал заводда ёнгин чиққан, кейин портлаш содир бўлган. Ҳозирча, фожиа техникавий носозлик туфайли юз берган, деган тахмин илгари сурилмоқда.

Скиддаги воқеа мамлакат учун миллий фожиага айланди. Нефть саноати соҳасидаги бундай йирик ҳалокат сўнгги қирқ йил давомида рўй бермаганди.

ИРОҚ: МУОМАЛАДА ЯНГИ ДИНОР

АҚШ ҳукумати ўтган йилнинг октябрь ойида Ироқда янги миллий валюта муомалага киритилишини эълон қилган эди. Ўшанда АҚШнинг Ироқдаги муваққат маъмурияти раҳбари Пол Бремер Пентагонда бўлиб ўтган матбуот анжуманида мамлакатда мустақил банк тизими фаолият бошлашини айтганди. Айти пайтда Ироқда янги валютага ўтиш ишлари жадаллашди.

Ироқнинг янги пулида энди табиат манзаралари, диққатга сазовор жойлар ва мамлакатнинг тарихий ароблари тасвири ўрин олган. Ўтган уч ой ичида оғирлиги 10 тоннадан зиёд бир триллион динор янгисига алмаштирилди. Эскилари йўқ қилинди. Айти вақтда банкларда тинимсиз пул алмаштирилмоқда.

ҚИШ ҚАТТИҚ КЕЛДИ

Бу йил Американинг ши-моли-шарқий ҳудудларида қиш одатдагидан совуқ келди. Об-ҳавошуносларнинг таъкидлашича, мазкур ҳудудларда одамларнинг ҳаёти ва соғлиги учун хавfli шароит юзага келган.

Нью-Йоркда термометр устуни кундузи минус 10 даражани кўрсатмоқда. Тунда эса совуқ 25 даражага тушяпти.

Қиш қанчалик совуқ келмасин, унинг Нью-Йорк шаҳри учун фойдали томонлари ҳақида ҳам фикр билдирадиганлар топилмоқда. Уларнинг таъкидлашича, ҳаво совуқ келгани боис шаҳар кўчаларини тозалаш ишлари анча енгиллашган. Шунингдек, йўллардаги транспорт тифизлиги сезиларли даражада камайган.

Шарҳловчи минбару

ЖАҲОН ИҚТИСОДИЁТИ: ИЖОБИЙ ЎЗГАРИШЛАР СИНОВДАН ЎТАДИ

Иқтисодиёт билан сиёсат ҳақида гап кетганда, одатда уларнинг муҳимлик даражасидан келиб чиқиб мушоҳада юритилади. Ваҳоланки, дунё тажрибаси бу икки соҳани муҳимлик эмас, балки бир-бирига бўлган ўзаро таъсири нуқтаи назаридан талқин қилиш тўғривоқ бўлишини аллақачон исботлаб берган.

2003 йил жаҳон иқтисодиётининг бирмунча жонланиши, дунё қимматбаҳо қоғозлар, хомашё ва ёнилги бозорларида барқарорлик тикланиши билан эсда қолди. Аксарият мутахассислар жаҳон иқтисодиёти яна ўсиш йўлига тушгани ҳақида гапира бошлади. Бироқ кириб келган 2004 йилда рўй бериши кутилаётган сиёсий жараёнлар дунё бозорларига таъсир ўтказиши ҳисобга олинса, ўтган йили бошланган ижобий ўзгаришларни жиддий синовлар кутаетгани аён бўлади.

Ўтган асрнинг 90-йилларида юз берган технологик ўсишнинг салбий оқибатлари туфайли дунё сармоядорлари 2000-2003 йиллар давомида АҚШ бозорида ўрта ҳисобда 6 триллион, Европа Иттифоқи мамлакатларида эса 3 триллион долларга яқин зарар кўрди. Лекин ички захираларни ишга солиш орқали иқтисодиётнинг энг муҳим соҳалари, хусусан, ишлаб чиқариш, банк, қишлоқ хўжалигидаги барқарорлик сақлаб қолинди.

Жаҳон миқёсида ўсиш кузатилаётган бир пайтда АҚШдаги иқтисодий вазият ҳамон нозиклигича турибди. Ўтган уч йил давомида бу мамлакатдаги дав-

лат харажатлари бир триллион доллардан ошди. Ташқи савдодаги салбий салдо эса ўтган йили 548,6 миллиард долларни ташкил этди. Мутахассисларнинг айтишича, айти пайтда жаҳон молия бозоридаги захираларгина америкаликларнинг жонига оро кириб турибди. Агар бундай номуаносиблик ўн-ўн беш йил муқаддам юзага келганида, АҚШ иқтисодиётининг кулаши тайин эди.

Иқтисодчиларни хавотирга солаётган яна бир омил мавжуд. У ҳам бўлса эндигина иқтисодий тараққиёт йўлига тушиб олган Жануби-Шарқий Осиё мамлакатларидаги вазиятнинг яна кескинлашиш хавфи. 1997 йилги молиявий инқироз асоратларидан кутулишга муваффақ бўлган давлатлар айти пайтга келиб яна дунё иқтисодиётининг қарвонбошисига айлана бошлади. Ўтган бир-икки йил мобайнида Осиё компанияларининг АҚШ бозоридаги улуши икки баробар ортиб, уларга тегишли маблағ ҳажми 3 триллион доллардан ошди. Хитой томонидан экспорт қилинаётган маҳсулотлар қиймати 500 миллиард долларга етди.

Бобур СОБИРОВ,
ЎЗА шарҳловчиси.

Германия Федератив Республикасининг Тошкентдаги элчихонаси куйидаги автомашинани сотиш учун ким ошди савдосини эълон қилади: Тойота Лэндкрузер J95 (Modell KZJ95L), 5 эшикли

Ишлаб чиқарувчи: Тойота Европа
Чиққан йили: 1997
Босган йўли: 157590 км
Мотор: 2982 см² (4 цилиндрли) турбодизель
Куввати: минутага 3600 айланишда 92 квт (125 ок)
Узатишлар кутиси: 5 босқичли механик, пастловчи узатиш ва дифференциал блоировкаси
Ранги: оқ/кумушранг

Жиҳозланиши: автоблоковчи мажмуа (ABC), кондиционер, 2 та олд ҳаво ёстиклари, марказий кулф, сигнализация, автоматик антеннали автомагнитофон, ҳайдовчи умуртқаси учун қулайлаштирилган созланувчи ўриндик, диагностика учун розетка, юкхонанинг резина тўшамаси, алюминли оёқтирагич, томдаги маҳкамлагич ёйлар, туманга қарши фаралар, олд фаралар тозалагичи, енгил металл дисклардаги кенг шиналар, сирпанишга қарши занжир.

Ҳоказолар: захирадаги олд ойна ва таъмирлаш бўйича немис тилидаги йўриқнома.

Автомашина божхона рўйхатидан ўтмаган.
Автомашинани 2004 йил 2 ва 3 февраль кунлари соат 9 дан 12.00 гача ва 14.00 дан 16.00 гача Германиянинг Тошкентдаги элчихонасида, куйидаги манзилда кўриш мумкин: Тошкент, Шароф Рашидов кўчаси, 15.

Энг маъкул таклиф танлаб олинади.
Судга мурожаат ҳуқуқисиз.
Маълумотлар учун телефон: 120-84-40
(Германиянинг Тошкентдаги элчихонаси).

2004 йил 13 январь куни ўтказилган ким ошди савдосида Куйичирчиқ ва Пскент туманлари ҳудудида сатҳи 600 кв.м. бўлган 5 та ер майдони, сатҳи 400 кв.м. бўлган 1 та ер майдони ҳаммаси бўлиб 415000 сўмга сотилди. АРО-104, ЗИЛ-431610, РАФ-2203101, РАФ-22031, НЕКСИЯ русумли давлат автотранспортлари 6500000 сўмга сотилди, Янгийўл тумани ҳудудида жойлашган «Сут ошхонаси» давлат кўчмас мулк объекти 4100000 сўмга сотилди ва Чирчиқ шаҳри ҳудудида жойлашган бузиб олиш шарти билан 64 сонли «Ётоқхо-

ҲУРМАТЛИ ИШБИЛАРМОН ВА ТАДБИРКОР ЖАНОБЛАР! «RESPUBLIKA KO'CHMAS MULK BIRJASI TOSHKENT VILOYATI BO'LIMI» MCHJ

Сизларни 2004 йил 24 февраль ва 2, 9, 16, 23, 30 мартда соат 12.00да ўтказиладиган навбатдаги ким ошди савдоларига таклиф этади.
Савдога қуйидагилар қўйилади:

1. Ўзбекистон Пахтачилик илмий тадқиқод институтига қарашли Тойота Карина русумли, давлат рақамли 11AD 369 бўлган, 1990 йилда ишлаб чиқарилган автотранспорт воситаси.

Бошлангич баҳоси - 1145 700 сўм.

2. Тошкент вилояти, Чиноз тумани, Йўл тушган ширкат хўжалиги ҳудудида жойлашган умумий майдони 199,5кв.м. бўлган нотурар жой биноси.

Бошлангич баҳоси - 1472 600 сўм.

3. Тошкент вилояти, Бўка тумани Халқ таълими бўлимига қарашли 7-сон болалар боғчасининг эски қозонхона биноси (майдони 99,3кв.м.).

Бошлангич баҳоси - 969 600 сўм.

Кўчмас мулк объектларига ва автотранспорт воситаларига ариза қабул қилиш ким ошди савдосидан бир соат олдин тўхтатилади.

на» бино ва иншоотлари нодавлат кўчмас мулк объекти 9000000 сўмга сотилди.

2004 йил 12, 14, 16 январь куни ўтказилган биржа савдосида Қибрай, Юқоричирчиқ, Зангиота туманлари ҳудудида жойлашган жами 10 та нодавлат қурилиши тугалланмаган кўчмас мулк бинолари жами 18110000 сўмга, Қибрай, Чиноз, Бекобод, Юқоричирчиқ, Оҳангарон туманлари ва Оҳангарон, Бекобод шаҳарлари ҳудудида жойлашган 15 та нодавлат кўчмас мулк объектлари жами 61929300 сўмга сотилди.

Бундан ташқари, олдинги ким ошди савдоларига сотилмай қолган ёки савдо натижаси бекор қилинган кўчмас мулк объектлари ва ер майдонлари ҳам ушбу савдоларга қўйилади.

Эслатма: сотиб олувчилар томонидан мулкнинг харид тўловларидан ташқари, яъни давлат божи ёки Давлат ордени олиш учун, мулк харид қийматининг бир фоизи миқдоридеги маблағ ва баҳолаш хизмат ҳақини алоҳида «Хususiy-lash-tirishga ko'maklashish konsalting markazi» ҳисоб рақамига ҳужжатлар асосида тўланади.

Бизнинг манзилимиз: Тошкент шаҳар, Мовароуннаҳр кўчаси, 19-уй, Тошкент вилоят ҳокимияти биносининг ўнг қаноти.

Мурожаат учун телефонлар:
133-28-52, 133-77-18, факс: 133-43-73.

